

四庫全書

史部

欽定四庫全書

萬壽盛典初集卷五十

慶祝三

名山祝釐一

康熙五十二年三月各省督撫提鎮諸臣以

皇上六旬正誕各就其地之名山勝境率所屬大小文

武臣僚耆老士庶建壇設醮慶祝

萬壽

二月十一日巡撫山東等處地方督理營田兼

欽定四庫全書

范壽康集  
卷五十

理軍務都察院右副都御史臣蔣陳錫謹

題為恭報微臣擇吉前赴泰山進香恭祝

萬壽事欽惟我

皇上

學貫三才

功高千古

作君作師沛恩膏者千八百國

得名得壽鞏磐石者億萬斯年

厚德深仁遠邁乎商周虞夏

文謨武烈弘敷於南朔東西民思

帝澤之隆普天嵩祝

臣荷

君恩之重率土山呼茲當

萬壽開科大典

臣

俟監臨文闈事竣擇於三月十一日

自省起行恭詣泰山嶽廟十三日薰壇十四日

至二十二日圓滿九晝夜功德

臣

即於泰山嵩

呼

欽定四庫全書

卷五十

萬壽伏願

天行彌健

聖歷常新自京師以至九垓處處樂

皇仁之高厚由六旬以臻萬歲年年慶

聖壽於無疆矣所有微臣擇吉起程日期相應

題報伏乞

皇上睿鑒施行三月初五日奉

旨該部知道

三月十一日提督山東等處學政右春坊右中  
允兼翰林院編修臣陳忬謹

題為恭逢

萬壽共效嵩呼敬達輿情以伸下悃事據青州府屬文  
武生員高延齡等呈稱齡等生際唐虞身居學

校蒙我

皇上德隆覆載壽考作人屢

頒廣額之弘恩復

賜開科之曠典頻年賑貸寒儒共被春溫今歲蠲租下

士咸登仁壽荷

生成於淪肌浹髓安誦讀於

舜日堯天茲於五十二年恭逢

聖誕昌期萬年有祐伏惟沂山東鎮素稱靈異茲聞設  
壇建醮深愜輿情闔郡諸生僉願隨行拜舞共  
效

無疆之祝伏乞轉達等情到臣欽惟我

皇上治懋勲華德敷宇宙揆文奮武集千八百國之共  
球平地成天綿億萬斯年之厯算恭遇

聖壽六旬甲子初周普天同慶臣駐劄青州境內沂山  
即係東鎮東方之鎮於五行屬木木號長生於  
四序為春春司發育沂山列在東方

聖誕正當春月臣謹擇於三月十二日為始虔祝九日  
頌寶籙以北南山望瑤光而瞻北斗青陽日麗  
長施出震之功紫極流輝懋集乘乾之福自今



伊始年年慶

萬壽於昇平以莫不增歲歲進九如於天保今據闔郡  
士子數百餘人踴躍呼嵩情詞懇摯不敢雍於  
上聞為此謹

題四月初一日奉

旨該部知道

三月十一日鎮守山東全省等處地方總兵官

左都督臣李雄謹

題為恭報微臣率同兵民共赴蓬萊仙閣恭祝

聖壽無疆事欽惟我

皇上宵衣旰食膺圖方五十二載祿位名壽錫祚自億

萬千年

臣

自蒞任來向年恭值

皇上萬壽俱同文武官弁在本城內萬壽宮敬設

龍亭啟壇建醮三晝夜序班行禮恭祝

聖壽茲五十二年三月十八日欣遇

皇上六旬大慶正率土歡騰普天胥慶之時據登州府

耆老兵民王嘉玉等又據臣標中右水師營馬  
步兵丁王永年等呈稱今遇

皇上六旬聖誕請啟壇建醮恭祝

聖壽萬年連名具呈前來惟是萬壽宮規模基趾窄狹  
今闔城內外兵民紛紛雲集人多地狹不足以  
肅觀瞻謹擇登州府水城之蓬萊閣臣同本城  
文武官弁暨百姓兵丁於十三日啟建佑

聖延齡道場九晝夜瞻海山而祝遐算

天庥永懋望日月以呼萬年

帝道彌昌緣係兵民公祝歡躍輿情臣不敢壅於  
上聞理合具題謹具題

知四月初二日奉

旨該部知道

三月初七日巡撫偏沅等處地方提督軍務兼  
理糧餉都察院右副都御史臣潘宗洛謹

題為恭報微臣親率屬員士民赴嶽慶祝

萬壽起程日期仰祈

睿鑒事恭遇我

皇上六旬萬壽良辰海內臣庶受

恩既久頌禱愈殷值此化日舒長蒼生樂業湖南百姓

扶老攜幼捧香朝嶽願我

皇上萬萬歲絡繹在塗嵩呼動地至於土司苗徭愛戴

真誠聞亦赴嶽慶祝臣謹於本月初七日由長

沙起程前詣南嶽廟齋戒竭誠率屬員士民登

祝融最高之峰祈

聖主無疆之壽億萬生靈衆願僉同山川神祇昭假協  
應神人既和天休滋至我

皇上承受

皇天上帝眷顧景命永與乾象同長坤儀竝久此乃自然  
之理必得之符也臣同城司道等官除委令按  
察使臣王朝恩率地方文武官員仍在長沙城  
內醮壇行禮外其布政使臣阿琳驛鹽糧道副

使臣侯惲俱隨臣前詣嶽廟行禮所有微臣赴  
嶽慶祝

萬壽起程日期理合題報謹具題

知四月初六日奉

旨該部知道

三月二十六日提督湖廣全省軍務總轄漢土  
官兵兼軍衛土司控制苗彝節制各鎮左都督  
加三級臣額倫忒謹

題為恭報微臣敬同全楚官兵赴嶽虔祝

聖壽無疆事竊照五十二年三月十八日恭逢我

皇上六旬大慶

臣疏請赴

闕躬祝未蒙

俞允用是諏吉齋心敬詣南嶽建壇恭祝

聖壽而全楚之鎮協標營以及士卒俱有同心齊願赴

嶽叩祝

臣諭令各在本汛率衆建壇望

闕呼嵩臣仍挈全楚官兵姓名冊籍赴嶽恭祝



萬壽於康熙五十二年二月二十六日起程理合恭疏

題報伏乞

皇上睿鑒施行謹具題

知四月初一日奉

旨該部知道

三月初八日鎮守湖廣襄陽等處地方總兵官

都督同知世襲二等阿達哈哈番臣高其位謹

題為恭報微臣敬赴武當慶祝

聖壽萬年事欽惟我

皇上德合乾坤道隆堯舜茲逢三月十八日恭遇

皇上六旬正誕臣虔誠齋沐謹擇於三月初八日自穀

城縣起程躬詣武當啟建醮壇率同官弁兵丁

至誠叩祝

聖壽綿長所有微臣起程日期理合恭疏題報以

聞四月十一日奉

旨該部知道

三月初九日巡撫河南等處地方提督軍務兼  
理河道兵部右侍郎兼都察院右副都御史臣

鹿祐謹

題為恭報微臣赴嵩叩祝

聖壽無疆事欽惟我

皇上

乾坤合德開天長地久之昌期

聖智超倫綜帝德王功之盛業仁民愛物盡攜兆姓

納春臺航海梯山咸仰衆星拱北極藏澤誕敷  
於四海謳歌普遍於兩河茲值

樞星繞電之辰正逢

甲子方周之歲神人胥慶率土歡騰理宜恭設醮壇  
以迓

景福敬詹三月初一日穀旦就嵩山中嶽廟設壇延請  
僧道啟建祐

聖延齡道場臣因在闡監臨先委署河南府事開封府

南河同知臣武登科鹽捕同知臣吳元錦暫司  
齋事虔誠叩祝今於三月初六日揭曉場務甫

竣臣於初八日率同布政使臣李苾按察使臣

張伯琮馳赴嵩山齋宿醮壇稽首焚香與民同

慶伏願

皇躬永固

帝德彌昌同日月之升恒九如常歌天保並山川之悠

久

萬歲時聽嵩呼所有微臣赴嶽恭祝

萬壽無疆日期理合恭疏具

題伏乞

睿鑒施行四月初六日奉

旨該部知道

二月二十六日鎮守河南河北等處地方副將

管總兵官事降一級留任臣馮君洗謹

題為恭報微臣赴嶽慶祝

萬壽事恭遇

皇上六旬正誕普天同慶萬國歡呼臣謹會同河南巡撫臣鹿祐在於嵩嶽設壇建醮率領軍民人等

頌祝

高深仰南山而聽嵩呼望北極以申華祝卿雲擁

玉座而騰輝笙吹洛浦旭日映

微垣以交晷香繞華筵伏願

聖壽齊天八千歲之莊椿同茂

遐齡如岱億萬年之玉燭長調臣於二月二十六日自  
懷慶起身前赴嵩嶽謹將離署日期

題報伏乞

睿鑒施行四月初五日奉

旨該部知道

二月二十七日巡撫山西太原等處地方提督  
鴈門等關軍務兼理雲鎮都察院右副都御史  
臣蘇克濟謹



奏為恭謝

天恩事切臣一介庸愚荷蒙

聖恩簡畀晉撫身任地方久遠

闕廷幸逢

皇上六旬大慶臣疏請

陛見欽承

俞旨准臣來京臣於去歲封印日星馳北上十二月二

十六日到

京即在景山前恭請

聖安跪瞻

天顏歡忭何極至二月初七日隨

駕行園荷蒙

特賜

親騎良馬并哈密瓜等物又奉

諭旨著臣跟隨看視水圍至段村地方即於

御座船內召見跪聆

聖訓諄摯令臣有所遵循十七日臣在船上跪送  
聖駕又蒙

皇上命臣將船緊靠

龍舟

溫綸下及復蒙

賞賜御食珍奇臣何人斯膺此格外

殊恩即捐糜頂踵奚能仰報

高深惟有益加惕勵不負

聖主之洪仁於萬一耳茲臣於二月二十二日回署即  
於二十六日肅秉虔誠馳往五臺恒山於三月  
初一日為始建醮諷經一月圓滿率同官民拈  
香叩首以慶

萬壽同天地無疆永祝

聖齡與岡陵竝久理合一并

奏聞伏乞

皇上睿鑒施行三月初九日奉

旨該部知道

三月十一日巡撫江西等處地方兼理軍務都

察院右副都御史加三級臣佟國勳謹

奏為謹報微臣赴廬山進香日期恭祝

聖壽無疆事欽惟我

皇上

睿知聰明

聖神文武

盛德合乾坤而廣運蕩蕩難名

大業超今古以遐昭巍巍莫竝

宵衣旰食五十二載正遇昌期

端拱垂裳億萬斯年長綿福祚際此

堯天舜日欣逢

電繞龍飛普天沐

帝澤之深共效三多封祝微臣荷

君恩之渥倍切

萬壽嵩呼茲惟南康府星子縣廬山高與天齊名標江

右奉

宸章之璀璨寺額

特賜秀峰頌

聖壽之光華石號舊呼華蓋五老峰連慶雲岫捧出五

色祥光白鹿洞接歡喜巖浮來千重紫氣春和

景媚瞻靈嶽萬古之休徵日升月恒逢

聖人六旬之大慶臣文闡事竣頌祝心虔謹擇於二月

十二日自省起行恭詣廬山秀峰寺占吉十三  
日啟建祝

聖延齡道場九晝夜齋戒醮壇叩首焚香與民同慶伏

願

乾行彌健

坤厚永貞

天祿重申仙歷循環於甲子

壽杯長捧仙靈拱極於春秋以莫不增亦孔之固則



一人有慶九州萬國處處頌有道之長而

天子萬年白叟黃童人人永無疆之祝矣所有微臣起

行日期相應

奏報伏乞

皇上睿鑒施行四月初九日奉

旨該部知道

三月初七日巡撫四川等處地方提督軍務兼

理糧餉都察院右副都御史臣年羹堯謹

題為恭報微臣躬詣我嶠仰祝

聖壽事欽惟我

皇上

化洽虞琴

瑞徵禹範

播仁風於八表已綿歷服無疆

沛惠雨於九州更紀太平有象厯五十二載之宵衣

旰食

景命方申卜百千萬世之日升月恒

天年周甲歡騰近甸童叟共樂夫康衢慶溢荒陬臣庶  
如遊乎蓬島福隨川至願切山呼臣謹於三月

初七日會同提臣康泰學臣王誥率同布政使

臣宋致按察使臣沙木哈松茂道臣佟世祿永

寧道臣李我郊等躬詣嵯山伏虎寺卧雲菴

兩處擇於本月十二日各建道場七晝夜恭祝

萬壽履三巴之勝境春滿祇林誦千佛之名經香流貝

葉山農志喜咸瞻南極之輝野老興歌競奏西  
池之曲伏願

昌期叶運

寶籙呈符松柏岡陵竊俯躬以著頌

聖神文武敢驤首以揚休所有微臣起程日期理合具  
題伏乞

皇上睿鑒施行四月初六日奉

旨該部知道

三月初六日提督四川等處總兵官副將世襲

拖沙喇哈番臣康泰謹

題為恭報微臣親赴綏靖慶祝

萬壽事康熙五十二年三月十八日恭逢我

皇上六旬萬壽普天同慶臣受

恩深重祇緣初蒞四川僻處邊隅不獲入

覲隨班慶祝惟有會同撫臣年羹堯學臣王誥帥領所

屬副將臣王之俊臣李元洙叅將臣趙璉臣馬

元等齊赴嵯山虔誠誦經七晝夜慶祝

萬壽於無疆少盡微臣之愚願耳臣謹於三月初六日

自成都起程所有微臣起程日期理合繕疏

題報伏乞

皇上睿鑒施行四月初六日奉

旨該部知道

三月十三日鎮守四川松潘等處地方副將管

總兵官事臣程正李謹

奏為恭祝

萬壽事欽惟我

皇上至聖配天大德受命虹流電繞為

聖主誕降之徵海晏河清實

至尊壽昌之應普天之下人人共祝無疆率土之濱處

處咸歌有慶

壽齊日月

仁霽乾坤臣樗櫟庸材兒罄下質身羈邊汎心戀

闕廷恭逢

萬壽之昌期欣遇

六旬之大慶舞蹈莫遂踴躍時深謹擇於康熙五十二年三月十三日薰沐齋戒率領官兵士庶商賈喇嘛土目前至雪山黃龍寺延集僧道自十五日起至二十一日止拜諷經懺七晝夜虔祝

聖壽無疆

皇圖永固為此具本謹具奏



聞四月十七日奉

旨該部知道

萬壽盛典初集卷五十

欽定四庫全書

萬壽盛典初集卷五十一

慶祝三名山祝釐二

廣西臣民修建桂林府全州湘山寺無量壽佛

道場慶祝

萬壽撫臣陳元龍疏請

御書題額

上親灑宸翰書壽世慈蔭四大字賜之

康熙五十一年十一月十九日巡撫廣西等處  
地方提督軍務兵部左侍郎兼都察院右副都  
御史臣陳元龍謹

題為邊方感

恩心切祝

聖情殷俯順輿情重修

無量壽佛道場告竣共懇

恩賜

御書匾額以慰瞻仰以垂萬古事欽惟我

皇上治功道德冠於古今仁壽健行同於覆載自天開  
地闢以來從未覩此昌期極山陬海澨之遙無  
不登於樂土茲者明年三月恭遇

萬壽齊年粵西地雖僻遠而村墟溪洞之間白叟黃童  
無不知感戴

聖德羣思望

闕呼嵩況臣等大小各官蒙

恩養食祿一方而以封疆職守道里遠隔不能隨在  
廷諸臣抃舞叩首於

堯階之下犬馬之私無由自展茲查桂林府全州之湘  
山寺供奉

無量壽佛真身崇巖秀麗紺宇弘敞自唐迄今歷數  
千年每年二月初八日值

無量壽佛誕辰通省及鄰省漢土百姓不遠二三千  
里皆來進香蓋以祈福壽得福壽祈豐年得豐

年靈感福庇其來已久今年二月間遠近萬民  
齊集之時咸稱我

聖主即

無量壽佛現身相約明年三月畢集寺中叩祝

萬壽并商量廣募重新殿宇億兆黎元罔不同心臣聞  
之不勝欣慶而仰體我

皇上愛民至意誠恐下費民力臣同司道各官率先捐  
俸修理委全州知州臣沈元佐桂林府通判臣

慕國璵敬謹督修經臣具摺

奏明數月以來隨有臣屬各府各縣諸臣先後樂輸  
凡應用物件俱現發價值採辦一切匠工照民  
間現給工食百姓子來趨事踴躍歡呼茲據知  
州臣沈元佐通判臣慕國璵報稱奉委修理湘  
山寺小心監督自

壽佛塔殿大雄殿伽藍殿真武殿天王殿兩廡配殿  
鐘鼓樓戲臺龍鳳山門竝東西之昆廬殿大悲

閣準提閣景德堂等處俱重加修整油漆大小  
佛像羅漢像共一千餘尊悉皆裝金綵畫即於  
寺前西首山岡之上建造

萬壽行宮七間自大門二門戲臺至後廊共五進東西  
走廊一百零八間工程俱已告竣臣委布政使  
臣黃國材單騎親往查閱闔州老幼百姓並往  
來商賈行旅至寺中瞻仰者同聲齊呼

萬歲聲震林谷復據紳士唐暄里民馬祥林兵丁向仁



等環擁呈稱我

聖主為當今壽佛今幸覩

佛殿重輝

行宮新建

壽佛之金身普蔭歷千百劫而無量

聖主之玉歷長調更億萬年而彌永但遐方就

日情殷必得懇請

御書匾額昭示正殿俾荒服黎民仰覩

雲日之光華永霑

雨露之恩澤從此歲歲豐登人人樂利實為邊遠非常  
之慶幸等情前來臣伏思

皇上宸章寶翰如日月之經天江河之行地而粵西士  
民遠在邊鄙未得遂其瞻仰之誠若蒙

恩賜

御書匾額不異

錫福遠方兼可永鎮邊土真千載一時之盛事臣不敢

金匱要略卷五十一  
不下順民情上瀆

天聽伏乞我

皇上萬幾之暇推恩頒賜臣當虔造匾額摹刻即於三

月

萬壽令辰懸掛

御匾俾琳宮寶剎

奎光與慧日同輝山阜岡陵

聖澤與慈雲並永用慰八千里外數百萬臣庶之心臣

等慶幸何極事關萬民感

恩祝

聖輿情臣不敢雍於

上聞理合具

題十二月二十二日奉

旨該部議奏

五十二年正月十八日禮部尚書臣赫碩色等

謹

欽定四庫全書

鴻壽盛典初集

卷五十一

題為邊方感

恩心切等事禮科抄出廣西巡撫陳元龍題前事奉

旨該部議奏欽此該臣等議得廣西巡撫陳元龍疏稱  
我

皇上治功道德冠於古今仁壽健行同於履載明年三  
月恭遇

萬壽齊年粵西地雖僻遠而白叟黃童無不望

闕呼嵩茲查桂林府全州之湘山寺供奉

無量壽佛真身崇巖秀麗紺宇弘敞今歷數千年遠  
近萬民齊稱我

聖主即

無量壽佛現身相約明年三月畢集寺中叩祝

萬壽并商量重新殿宇臣仰體我

皇上愛民至意誠恐下費民力臣同司道各官捐俸修

理茲據知州沈元佐通判慕國璵報稱奉委修

理

壽佛殿寺前西首建造

萬壽行宮復據紳士唐暄等呈稱今

壽佛殿重輝

行宮新建

壽佛之金身普蔭歷千百劫而無量

聖主之玉歷長調更億萬年而彌永但遐方就

日情殷必得懇請

御書匾額昭示正殿黎民仰覩實為邊遠非常之慶幸

等情前來臣不敢壅於

上聞理合具題等因具題前來欽惟我

皇上

仁周萬國

德被羣生雖在山陬海澨白叟黃童莫不羣興

一人有慶

聖壽無疆之頌今粵西士庶咸以我

聖主即當今



無量壽佛樂修殿宇該撫仰體

皇上愛民之心不費民力同司道等官捐俸修理今寶

殿重輝復上達紳士輿情恭請

御書匾額應如所請乞

皇上於萬幾之暇

特賜御匾頒發懸掛則

天章璀璨慧日光輝遠土黎民得以時時瞻仰感戴

聖恩億萬斯年於無既矣臣等未敢擅便謹

題請

旨本月二十一日奉

旨依議著候頒發

三月十一日巡撫廣西等處地方提督軍務兵

部左侍郎兼都察院右副都御史臣陳元龍謹

題為微臣恭詣湘山無量壽佛道場啟建經壇慶祝

聖壽事欽惟我

皇上

道德崇高

治功魏煥

健行不息與日月而同光

悠久無疆並乾坤而永泰茲者三春令旦恭遇

萬壽齊年慶滿寰區恩周海寓粵西雖地處天末而自

城市以至村墟黃童白叟無不含哺鼓腹瞻

舜日而樂

堯天望

九重而呼

萬歲臣等遠羈職守不得隨在

廷諸臣抃舞叩首犬馬之誠無由自展臣因俯順民

情與文武大小各官捐俸重修全州湘山之無  
量壽佛古寺即於湘山之陽建造

萬壽行宮以為祝

聖之地於上年十一月內工竣經臣具疏題請

御書匾額在案茲當

聖誕屆期臣謹於三月十一日起程前詣湘山就於無量壽佛大殿啟建

萬壽經壇七日偕文武諸臣望

闕叩頭慶祝伏願

陽和浩蕩千百國永沐恩波

化日舒長億萬年常霑福澤臣無任踴躍歡忭之至

所有起程日期理合

題報伏乞

皇上睿鑒施行謹具題

知四月十四日奉

旨該部知道

三月初二日提督廣西總兵官左都督臣張朝

午謹

奏為慶祝

聖壽恭報微臣赴全日期事欽惟我

皇上功德邁古仁壽同天普慶寰區效靈川嶽粵西全

州湘山寺供奉無量壽佛真身歷今數千年邊  
方士民欣逢

聖天子六旬正誕靡不歡欣抃舞籲請撫臣陳元龍重  
新壽佛殿宇建造

萬壽行宮臣同鎮臣趙廷棟亦捐俸協修工程告竣正  
屆

聖壽誕辰臣於三月初二日率屬員自柳州起程前赴  
湘山寺叩賀

聖誕虔設無量壽佛經壇禱祝

皇上茂膺嘉瑞衍億萬年祿位名壽之長永荷

天庥受千百國紳士軍民之慶臣無任懼忭之至所有

赴全日期理合

題報四月初九日奉

旨該部知道

二月十九日鎮守廣西左江等處地方副將管

總兵官事臣趙廷棟謹



奏為恭報微臣赴全慶祝

萬壽無疆事欽惟我

皇上聰明睿知文武聖神德邁百王治隆千古聲教遐  
敷處處蒙庥咸享昇平之福恩膏普被人人樂  
業共遊仁壽之天業廣功高道隆德備誠曠代  
所無於今為烈者也康熙五十二年三月十八  
日恭遇我

皇上六旬聖誕普天稱慶率土歡呼臣不獲與在

廷諸臣隨班拜舞謹於二月十九日自南寧府起程

前赴全州同文武諸臣於新建

萬壽宮內啟建祝

聖延齡醮壇齋沐叩首慶祝

萬壽無疆所有微臣赴全日期理合

題報四月初六日奉

旨該部知道

四月十三日巡撫廣西等處地方提督軍務兵

部左侍郎兼都察院右副都御史臣陳元龍謹  
題為

宸翰寵頒奎光遠照恭謝

天恩永綏邊土事本年四月十一日臣姪左春坊左中  
允臣陳邦彥遣家人李祥吳慶等齎捧

欽賜湘山壽佛匾額

御書壽世慈蔭四大字到粵臣率同在省文武大小各  
官出郭跪迎捧至公所敬設香案望

闕叩頭祇領闔城紳士軍民耆老人等齊集瞻仰無  
不踴躍歡抃咸稱僻處遐方覲

天無自今得仰覲

宸翰恍如身近

闕廷

聖主加恩邊土真從來未有之盛事臣等敬觀

御書筆力遒勁神彩煥發不異日月經天江河行地共

瞻義畫之健強益慶

堯天之悠遠伏思壽世二字

聖心益謙

聖德彌廣仰知我

皇上視民如傷遠邇一體不以一己之壽為壽而必欲  
使舉世之人皆登仁壽之域是則以

聖主無疆之壽俯錫下民億兆人之壽而凡下民各有  
之壽總歸我

聖主億萬年之壽

一人之錫福無量萬邦之受祉靡窮在

壽佛久鎮湘山原因護國祐民有大功德於茲土今

蒙

天語表彰仁心默感

壽佛益當垂慈廣蔭從此雨暘時若歲歲豐登瘡癘

永消人人壽考臣現在製造匾額敬摹鐫刻俟

匾額告成選擇吉辰送往

壽佛大殿懸掛另行奏報外所有接到

御書理合具疏

題報五月十七日奉

旨該部知道

外藩蒙古諸部落各於所屬地方修寺諷經恭

祝

萬壽并請

勅賜寺名

上從之

康熙五十二年正月二十六日禮部為公務事  
准理藩院文稱准

乾清門侍衛拉什文稱康熙五十二年正月十二日  
阿霸垓多羅郡王吳爾占噶喇卜旗分辦事台  
吉德穆褚克為

皇上萬壽在西里河地方蓋廟塑佛已完乞

皇上恩賜廟名又阿祿科爾沁多羅貝勒汪占旗分辦  
事台吉衮塔爾等為



皇上萬壽蓋造佛廟已成乞

賜廟名等因具奏奉

旨著給與廟名又正月二十二日科爾沁扎薩克圖郡

王鄂齊爾為

皇上萬壽於陶爾河地方蓋造廟宇已完乞

恩賜廟名等因口請轉奏奉

旨著給與廟名欽此等因前來相應移咨禮部照例給  
與廟名等因到部應將各給廟名之處送內閣

撰擬可也

正月二十八日禮部為公務事准上駟院文稱  
管轄尚都達布孫璫兒地方馬羣總管阿拉納  
奏稱蒙古臣等荷蒙

聖主宏恩無際未能圖報萬一故臣等公議自備紙張  
筆墨選屬下善書之人敬書紺珠爾經一部不  
時諷誦誠意祈佛祝

聖主萬壽無疆俾臣等安生樂業紺珠爾經已於去年

十二月內書畢今恭逢

聖壽大慶之期諷祝九日又近見蒙古地方所修廟宇

俱奏請

聖主欽賜廟名而馬羣地方所蓋廟宇內供喀陽齊禮  
娃娃佛有看守喇嘛十名尚無廟名念經人亦少

伏乞

聖主賞賜廟名添給十名喇嘛賞賜度牒等因具奏奉  
旨著給與廟名交與該部議奏欽此欽遵移送部應

將給廟名之處送內閣典籍廳撰擬可也

欽賜西里河地方廟名誠壽寺阿祿科爾沁廟名戴恩  
寺陶爾河地方廟名仁壽寺尚都達布孫璫兒  
地方廟名弘濟寺

駐劄西寧主事格勒爾兔呈報為轉

奏事親王扎什巴圖魯咨文內開得

聖天皇帝睿鑒呼呼腦兒老親王扎什巴圖魯奏為今  
歲

聖主六旬大慶

小老臣

惟願

聖主皇圖永固在顧木卜郭隆沙沖過茫等大廟內祝

頌福壽將紺珠爾經阿玉璽經即魯克經及各

種經盡力多多諷誦再

皇上正誕之日

小老臣

在本處望

闕遙拜虔誠諷經外何以出力報答

聖恩為此謹

奏前來理藩院將親王扎什巴圖魯所奏蒙古字本

一扣黃絹一疋主事咨呈文案交與

乾清門侍衛拉什於五十二年二月二十三日轉奏

奉

旨知道了

呼呼腦兒貝勒羅布藏為

萬壽大慶同伊母念

萬壽經外又親到郭茫廟念紺珠爾經阿玉璽經答拉

厄克西達達嘛呢卓里克烏格等經叩祝

先是直省督撫提鎮諸臣咸以康熙五十二年

恭逢

皇上六旬大慶預期疏請詣

闕行慶祝禮

皇上以封疆任重鎮撫需人間許一二入朝其不獲所  
請者無所發其尊親愛敬之忱而黃童白叟未  
由親詣

輦轂以伸其謳歌頌禱之私者亦不可以萬萬計乃

各就境內名山集緇黃建壇宇為

萬壽祈福其先期

陞見未及

聖節即以事還所治者亦各詣名山為慶祝之舉臣等  
抄撮前後章奏撰為二卷竊有以仰窺我

皇上聖德之厚恩澤之深而諸臣之所以祝釐者亦各  
有依據不違古義而非如有唐以來誕聖諸節  
尊崇二氏講論三教藉為笑譁而已也昔在有



虞順時之方柴燎五嶽望於山川徧於羣神故  
曰因名山升中於天所以昭神祇饗報功德是  
以災厲不作而風雨寒暑以時此天子為天下  
祈福而於己無所私焉者也然而天子祭五嶽  
諸侯亦得祭其境內山川其奉牲以告祝史正  
辭將使大備盛德諸福可致之祥咸萃於一人  
之身康彊逢吉至於萬年永保民而後已此則  
天下為天子祈福庶幾藉一人之福以福天下

者也唐張嘉貞北嶽碑銘云事舉必祈神行宜  
賽則有公卿而奉告命或四時薦熟三獻酌洗  
則有侯牧而奉新章其事雖殊其義豈遠乎哉  
蓋五嶽視三公四瀆視諸侯名山大川百靈所  
會各有擁扈一人之誼人之所奉即神之所憑  
故曰寤寐靈嶽盱嚟神文玉帛未陳幽贊必先  
意而啟椒醑雖薄景福乃應期而集人神所協  
良不誣也嘗厯稽名山之靈風俗通稱泰山有

欽定四庫全書

萬壽宮碑集  
卷五十一

二十二

金篋玉策探策知壽徵諸漢武華嶽古之惇物  
雲笈七籤稱山頂有千葉蓮花服之長生故曰  
華山韓愈稱衡山最遠而獨為宗其神必靈北  
嶽所居陰終陽始其道常久故曰常山嵩山尤  
為神異漢武帝詔云朕用事華山至於中嶽御  
史乘屬在廟旁吏卒咸聞呼萬歲者三乃以三  
百戶為奉邑命曰崇高焉其他若匡廬為三天  
子鄩黃山以軒轅得名義嶠五臺則文殊普賢

之所示現也武彝君幔亭之宴昉自秦漢沂山  
吳嶽則東西鎮山也登蓬萊閣以望安期訪湘  
山寺而知壽佛百神震疊萬方鼓舞光嶽効其  
靈臣庶鳴其豫衆之所往神必據焉蓋二氏之  
說不足憑萬衆之心有可恃雖謂名山祝釐之  
舉皇王令典以之協祚厯數昌期以之交泰何  
不可者以視昔人封泰山禪梁父躬告成功於  
上帝者其情之公私義之廣狹豈直相逕庭已

哉至於外藩蒙古諸部各建佛寺請

賜寺名諷紺珠爾等經膜拜懽呼以祝

萬壽所謂不易其政不違其俗且

宸翰所加即為典記備載不遺以見普天同慶無間中

外馬

萬壽盛典初集卷五十一

欽定四庫全書

史部

萬壽盛典初集卷五十三

詳校官宗人府府丞<sub>臣</sub>寶光鼎

編修<sub>臣</sub>程嘉謨覆勘

總校官知縣<sub>臣</sub>楊懋珩

校對官編修<sub>臣</sub>沈清藻

謄錄監生<sub>臣</sub>薛登瀛

欽定四庫全書

萬壽盛典初集卷五十二

慶祝四

大臣入覲一

康熙五十二年三月十八日恭遇

皇上六旬正誕各省將軍督撫提鎮諸臣先期疏請

陛見慶祝

萬壽其奉

旨來京者先後入

覲直隸巡撫總兵官俱屆

聖節前赴

闕行慶賀禮

恭請入

覲慶祝

萬壽奉

旨准來京大臣

鎮守西安等處將軍世襲拖沙喇哈番席柱



鎮守荊州等處將軍達爾占

鎮守江南等處將軍加一級鄂克遜

鎮海將軍世襲一等侯又一拖沙喇哈番加六級仍帶軍功紀錄馬三奇

鎮守福建等處將軍世襲一等精奇尼哈番加二級祖良璧

總督湖廣等處地方軍務兼理糧餉兵部右侍郎兼都察院右副都御史鄂海

兵部右侍郎兼都察院右副都御史總督河道  
提督軍務加五級趙世顯

巡撫山東等處地方督理營田兼理軍務都察  
院右副都御史蔣陳錫

巡撫山西太原等處地方提督鴈門等關軍務  
兼理雲鎮都察院右副都御史蘇克濟

巡撫河南等處地方提督軍務兼理河道兵部  
右侍郎兼都察院右副都御史鹿祐

巡撫甘肅寧夏平慶臨鞏等處地方贊理軍務  
兼理茶馬都察院右副都御史岳拜

提督江南等處地方總兵官師懿德

提督浙江等處地方總兵官左都督吳郡

西安左翼滿洲副都統世襲二等阿達哈哈番

加一級索柱

西安右翼漢軍副都統劉官統

杭州滿洲副都統道服色

杭州漢軍副都統李如松

鎮守山西太原等處地方副將管總兵官事馬

見伯

鎮守山西大同等處地方副將管總兵官事張

自興

鎮守陝西寧夏等處地方總兵官左都督世襲

一等精奇尼哈番范時捷

鎮守河南南陽等處地方副將管總兵官事世

襲三等阿達哈哈番楊鑄

鎮守福建漳州等處地方總兵官左都督許鳳  
鎮守雲南鶴麗等處地方總兵官郝偉

三月二十二日己亥

上召入覲大臣

賜宴於

暢春園內苑

上御樓臨觀

命諸王傳觴並

賜克食果品衣帽鞞襪石硯等物有差隨

諭各回本任

十八日

萬壽禮成入覲諸臣山東巡撫蔣陳錫山西巡撫蘓克

濟河南巡撫鹿祐先經奉

旨於二月內回任其留京師者日侍

西苑

上以次召進

御園賞花賜宴維時泰交異數湛露洪恩亘古罕有  
其宴饗之隆賞賚之渥畧備諸臣回署謝

恩疏謹錄如左

鎮守西安等處將軍世襲拖沙喇哈番臣席柱

謹

奏為恭謝

天恩事竊臣恭遇

皇上六旬大慶前來叩祝伏見天下臣民盡皆齊集自

京城以至

暢春園沿途建棚誦經齊心懽慶叩禱

聖主萬壽無疆此皆

皇上浩蕩之恩無微不至以致六合之內不期而集頌

祝

萬壽真亘古未有者也臣到京隨

駕至霸州蒙



賜黃繫火鑰包

回鑾之後又同各省將軍俱沐

特恩與內大臣等

命入內苑

恩賜飲食且

命阿哥等授酒臣受此

隆恩方深戰慄乃又蒙

皇上賜衣帽鞞襪至恭請

訓旨蒙

聖諭善養身體以保餘年久遠出力

溫旨疊頒何能承受伏念臣懦弱庸愚世受

重恩自幼蒙

皇上教育之恩漸加擢用以至今職毫無尺寸報効之處而

皇上天高地厚之恩有加無已臣雖盡犬馬之力不能  
仰報萬一臣於回任時恭設香案率領全家望

闕謝

恩外謹具

奏

聞

鎮守荊州等處將軍臣達爾占謹

奏為恭謝

天恩事竊臣欣逢

皇上萬壽大慶叩祝來京普天率土億萬臣僚軍民人

等皆有同心不期而至共效嵩呼臣荷

殊恩同內大臣等入侍

內苑得以仰瞻

聖子神孫喜出望外又蒙

恩賜飲食

命諸阿哥賜酒并

賜御用線纓涼帽袍褂掛鞞襪御馬火鑱包等物臣子達

朗阿更蒙

特放藍翎伏念臣何人斯受此

重恩雖粉骨碎身亦不能仰報於萬一臣恭請

訓旨蒙

皇上命臣善養身體以保餘年久遠出力臣跪聆之下

敢不祇遵

明訓竭力報効臣回任所率領妻子恭設香案望

闕叩首以謝

天恩再臣自京起身經過直隸河南二省以至荊州見

沿途雨水得時麥穗長大村莊人民無不踴躍  
歡欣臣所過地方逐處詢問僉云今年麥子比  
往年肥壯各種糧食盡皆茂盛此

聖主萬壽無疆之福普被天下人民是以年登大有臣  
目覩豐亨之象理合一并

題報為此謹

奏以

聞

鎮海將軍世襲一等侯又一拖沙喇哈番加六級臣馬三奇謹

題為恭謝

天恩并報微臣回汎日期事竊臣恭逢

聖主萬壽大慶恩准來京叩祝屢覲

龍顏比天而健疊聆

聖訓如日之溫既已大慰微臣數年瞻仰之誠蒙

聖恩浩蕩令得隨侍班聯日飽珍膳近而

御苑放鷹遠而水圍巡幸臣皆得追隨

鑾車豹尾之後塵親覩

聖武天威之赫濯私心欣幸曷其有極復不以臣為驚

駘陋質錫以天廩龍駒及珍羞方物三月十四

日又蒙格外

天恩召入

內廷叩見

聖子神孫之衆多盡皆龍鳳之姿天日之表十七日



聖駕回宮十八日

萬壽令節凡東西南北萬國九州之臣民童叟梯山航海共晉萬載之霞觴騎竹扶鳩咸上九如之寶頌臣隨班叩首祝山河而踴躍寸長莫効聞頌禱而歡欣以為自古迄今未有

聖德深入人心以致内外一詞遐邇合意普天之下莫不尊親典禮如是之極盛者也十九日復得隨侍

龍舟徧遊

內苑玉蘭聳日僊樂凌雲目所未覩耳所未聞二十

二日又蒙

召入西廠

賜克食桌子

特命衆位阿哥不辭

天潢之尊授飲微臣之酒並

賜袍帽韉襪

諭令各回任所二十三日跪請

聖訓惟令微臣遵循定例綏靖地方更令調養微軀多  
加飲食勉以再為効力多年二十六日復

召入內苑賞花觀劇至四月初一日叩辭回汎又蒙  
賜綠端硯一方珍品二十種臣不知夙世何修疊蒙

天高地厚之恩得至於此今於本年四月二十二日已

抵京口准副都統周良相委令鑲黃旗叅領董

象鼎臣標中軍副將楊長春筆帖式王之騰賚

送鎮海將軍銀印一顆令箭十二桿到臣臣隨  
恭設香案叩首收受訖臣惟有仰遵

聖訓恪守定例以靖地方保養微軀以圖効力生生世  
世子子孫孫竭盡犬馬以報

洪恩於萬一耳為此具疏恭

謝并報微臣回汎日期伏乞

皇上睿鑒施行謹具

題

知

鎮守福州等處地方兼管綠旗都統將軍世襲

一等精奇尼哈番加二級

臣祖良璧謹

奏為恭謝

天恩事竊臣至微極陋蒙我

皇上破格任使依戀之誠時縈朝夕恭遇

聖主六旬萬壽請

旨陞見重荷

聖恩俞允得遂瞻

天仰

聖之私臣自行在趨叩

聖安隨行至京屢蒙

賜宴

賜食疊霑

天家異味復蒙賞看

御園勝景珍禽異卉得觀生平未有之奇又

命阿哥授酒臣跪飲畢

頒賜線纓涼帽五爪龍緞袍掛鞞襪及臣

陞辭起行又蒙

賜彩漆匣夔龍池端硯乾哈密瓜鹿肉條魚條細鱗魚  
蜜餞果品并榛子松子諸珍物臣叩頭謝

恩祇領伏念臣擣散庸材謬膺重任幸際昇平愧無寸  
長報効欣逢

萬壽昌期得隨天下臣民共申嵩祝瞻仰

龍顏已極微臣之榮幸更蒙

異數頻施

恩波疊沛有加無已真從來未有之盛遇臣何人斯當

茲逾分

寵榮中心感切報稱彌難惟有益竭駑駘捐糜頂踵以

仰荅

高深於萬一耳所有感戴之誠謹恭疏

奏陳謝悃伏乞



聖鑒為此具本謹具

奏

聞

兵部右侍郎兼都察院右副都御史總督河道  
提督軍務加五級臣趙世顯謹

奏為恭謝

天恩事欽惟我

聖主六旬萬壽昌期臣敬請

陛見荷蒙

恩准來京獲瞻

天顏隨班拜舞得遂犬馬戀

主之忱臣不勝踴躍歡欣之至又屢蒙

賜宴

賜食疊霑

天家異味又

命阿哥授酒并看

御園盛景巍峩燦爛真生平罕觀之奇觀更蒙

賜線纓涼帽五爪龍緞袍掛鞢襪又

賜御硯一方哈密瓜乾鹿肉條蜜餞等二十樣

臣跪領

之下蒙

恩自天感激無地隨敬謹收藏奉為至寶伏思臣一介

庸愚至微極賤仰荷

聖主特達之知畀以督河重寄迄今已歷四載雖殫心

竭力毫無報稱乃

恩賜尚方珍品迥異尋常復

欽賜冠服光榮備至臣何人斯得此

寵頒有加無已惟凜遵

聖訓銘心刻骨益加策勵勉盡職以報

高厚於萬一而已臣謹疏奏

謝再照臣於四月十五日抵濟寧隨起行回赴南工

理合一并

奏明伏乞

皇上睿鑒施行為此具本謹具

奏

聞

總督四川陝西等處地方軍務兼理糧餉兵部

右侍郎兼都察院右副都御史

臣鄂海謹

奏為恭謝

天恩事竊臣孤子一身荷蒙

皇上屢次拔擢恭逢

聖主六旬萬壽准臣來京先於行在恭請

聖安仰蒙

溫旨隨

駕回宮至

萬壽聖節臣得躬親拜舞且見普天共慶率土同歡臣

不勝踴躍忻忭之至又令臣隨班列坐

命皇子執盞授酒又

賜臣克食蟒緞袍掛等物又奉

特旨調補川陝總督臣恭請

聖訓蒙

睿謨指示臣跪聆

天語感激涕零惟有恪遵

聖訓始終盡心協和文武安靜地方愛養兵民仰報

天恩於萬一耳為此謹具

奏

聞

巡撫直隸等處地方管轄紫荆密雲等關隘贊  
理軍務兼理糧餉都察院右副都御史世襲一  
等精奇尼哈番加九級臣趙弘燮謹

奏為恭謝

天恩并報微臣回署日期事竊臣於二月初七日在蘆  
溝橋跪接

聖駕瞻仰

天顏即隨



駕巡幸蒙

皇上日賜克食二次又

賜御馬一匹并

賜御射兔一隻及榛松子蜜餞山查等物夫以

天閑上駟頒及外臣

內府殊珍賚於

行在固已沐

聖朝之曠典極臣子之寵榮矣乃臣於二十七日隨

駕至海子蒙

皇上念直屬事務殷繁

命臣暫回料理仍准臣於

皇上萬壽之前到京慶賀臣於三月十一日至

暢春園外附諸大臣班聯伏見寰宇耆民感戴

聖天子厚澤深仁紛紛詣

闕叩祝

萬壽而直屬九郡老人瞻

天甚邇被澤尤深扶杖嵩呼者動以萬計我

皇上加恩施惠又復謫如家人父子巷舞衢歌懽聲雷  
動臣民尊親愛戴之誠自古未有如

今日之盛者也臣得恭逢其會不勝歡忭榮幸惟是  
臣以受

恩深重之人愧無寸芹上佐霞觴乃蒙

聖恩汪濊

召入內苑

恩賜御筵使臣瞻上林之春樹宛在瀛洲飲良醞之瓊漿如霑玉液復

命阿哥傳觴授酒又將

御用龍袍龍掛貂帽鞞襪

賜臣穿戴畧堂廉之分自揣難安承藻火之光撫躬惕息更蒙

恩賜御硯一方并松榛子哈密瓜鹿肉條蜜餞果子共二十種捧

大內之墨田愈秉心於介石飫

尚方之異味益矢志於飲冰臣俱即叩頭謝

恩祇受訖伏念臣一介庸材八年重寄恭遇

一人有慶之昌期欣逢

萬壽無疆之盛典得與黃童白叟共申華祝已為榮寵

非常乃荷

異數殊施

恩波疊沛更屬從來之所未有臣何人斯受逾其分自

茲以往報稱彌難惟有捐糜頂踵生生世永  
効犬馬以仰報

聖恩高厚於萬一耳臣於三月二十六日已抵保定所  
有感

恩激切并微臣回署日期理合

奏謝為此具本謹具

奏

聞

巡撫甘肅寧夏臨鞏等處地方贊理軍務兼理  
茶馬都察院右副都御史加二級臣岳拜謹

奏為恭謝

天恩事竊臣一介庸愚荷蒙

聖恩畀以甘撫重寄在外日久犬馬戀

主之忱時刻難忘幸逢我

皇上六十大慶經臣疏請

陞見欽承

俞允准臣來京臣即起程於本年二月二十四日迎至  
寺堡跪叩道傍恭請

聖安仰見

天顏光霽無任懼忭隨

駕行走屢

賜克食

皇上又賜親射兔一隻三月十八日臣得隨班叩祝  
萬壽二十二日在



西廠內蒙

皇上親臨賜宴

命阿哥執爵又

賜貂帽袍掛鞞襪榮寵已極臣跪領之下惶悚靡寧四

月初二日又蒙

天恩賜彩漆匣臥蠶邊天雞池硯一方細鱗魚鹿肉條

折盧魚哈密瓜松子榛子蜜餞梨山查等果

皇上洪恩疊施至優至渥臣何人斯受此格外

恩寵撫躬自省愈增恐懼於初四日臣跪聆

聖訓鏤諸肺腑敬謹遵行臣雖夙夜兢惕勉奉職亦不能仰報

皇上天高地厚之恩於萬一復思

天厨珍物人世罕見臣薦之祖先捧至蘭州傳集文武各官共嘗

御食以廣

皇仁於無極理合恭謝

天恩伏乞

皇上睿鑒施行為此具本謹具

奏

聞

提督江南等處地方總兵官臣師懿德謹

奏為遵

旨詣

闕祝釐疊蒙

殊寵謹竭鄙忱恭謝

天恩事欽惟我

皇上

至仁御世

大德祈年

運一心於主善之天

錫萬國以建中之化誠為美無不收因知福未可量

今春三月內恭遇

皇上六旬正誕蒙

准來京得與在

廷諸臣隨班朝

賀獲觀

暢春園至

闕廷萬國嵩呼華祝之盛又見

聖主設科養老弘宣

恩詔俾中外臣民無一不被其澤而猶

聖不自聖

溫諭撫謙從古至今僅聞僅見臣何幸生

聖人之世躬逢

盛典其踴躍歡忭真莫可以筆紀矣乃荷

恩賜御宴飽飫

天厨

皇子傳觴當之非分復叨

召入內苑看花給饌樓閣山水更為罕觀又蒙

賜給涼帽團龍袍掛鞞襪兼及寶硯一函臣何人斯際  
茲

異數復欽奉

恩詔膺爵進秩凡此

天恩之優渥永為臣子之希榮惟有恪遵

聖訓奉為寶箴早夜率循罔敢或怠以仰報

聖恩於萬一耳謹繕疏恭謝伏乞

皇上睿鑒施行為此具本謹具

奏

聞

提督浙江等處地方總兵官左都督加三級降

二級留任戴罪圖功臣吳郡謹

奏為恭謝

天恩並報微臣回任日期事竊臣一介庸愚荷

恩最厚今歲伏遇

皇上六旬大慶臣心切呼嵩情殷戀



主疏請入

覲幸蒙

俞允臣即束裝就道於康熙五十二年三月初六日詣

暢春園恭請

聖安十二日瞻仰

天顏見

皇上仁武倍於曩時不勝懽忻抃舞乃蒙

皇上顧問地方海洋安靜以及臣之年歲十七日接

駕蒙

賜壽桃十八日當

萬壽之昌期值普天之同慶微臣隨班拜颺之後隨

駕至

西廠又蒙

賜看

萬壽皇會覩未見之奇觀目康衢之抃舞千八百國雍

雍肅肅咸瞻

有道聖人億兆士庶濟濟蹌蹌共祝

萬年天子亘古以來未有如我

皇上之仁壽也二十二日蒙

恩賜宴并得霑食

上方果品珍饈又

命皇子賜酒非分之榮至此已極復蒙

恩賜五爪龍袍并帽鞞龍襪等件四月初一日又蒙

皇上賜臣博古池硯四月初四日奉

旨同漳州總兵官臣許鳳到中堂處議移鎮之事微臣  
謹抒管見初六日又蒙

賜克食初七日恭赴

澹寧居謝

恩跪聆

聖訓荷蒙

溫諭諄諄有愛惜商民體恤兵艱并巡防事宜與文武

和衷商酌之

訓旨仰見

聖明洞鑒無微不照而

睿謨所及指畫周詳臣欽凜之下悚惶無地感激彌深

至恭逢

恩詔內有蔭一子入監之條緣臣只有一子是以冒瀆

奏明將臣子把總吳興業改文送監讀書蒙

皇上念武臣之後亦令曉識字義遂邀

俞旨臣身受

隆施報稱無地惟有益勵臣節凜遵

聖訓實心實力料理地方以仰報於萬一耳臣於康熙

五十二年四月初八日

陞辭出京於五月初七日回至浙江所屬嘉興府地

方謹恭疏奏

謝並報回任日期伏乞

皇上睿鑒施行為此謹具

奏

聞

提督貴州總兵官都督僉事加一級臣張文煥

謹

奏為

聖德弘施

皇仁疊沛微臣感戴難安圖報無地謹具疏恭謝

天恩事竊臣生長西陲草茅微賤叨蒙

聖恩超拔鼎甲

特擢侍衛不數年間旋授大同總兵

天高地厚之恩未効涓埃之報茲蒙

聖恩特簡貴州提督臣聞

命之下驚心動魄伏念臣愚昧無知畀以嚴疆重寄戀  
主情殷即具疏恭請

陞見蒙

恩准臣來京臣平昔念結而不克慰者忽得瞻

天仰



聖舞蹈

皆前慶幸已屬無既復蒙

皇恩於年節新正准臣隨內大臣侍衛班列得進侍筵  
宴非分之榮更出望外二月初八日隨

駕行幸水圍蒙

恩每日兩

賜克食至沙口蒙

賜御馬并哈密瓜至圈頭又

賜松子榛子蜜餞山查圖衣合特食至李家渠

賜御射兔一隻

皇恩優渥愧感難安迨陽春三月正值

萬壽大慶普天臣民奔趨

闕下祝

聖瞻

天塞滿道路祝頌事畢甘雨溥徧天意人心上下響應

皇上復軫念遠來臣民舉行養老之典

頒賜御筵衣物又

命皇子皇孫執爵徧行勸侑真亘古未聞之盛事臣得

覩

曠典欣幸何極乃復荷

皇恩三月二十二日

賜臣御筵御酒熏貂帽團龍緞掛雲龍緞袍緞鞞緞襪

二十四日又

賜異獸綠端硯一方臣何人斯既得御馭駟之駿復得

需瓊液之觴既有章服以壯威儀復有端硯以  
為世寶種種

異數悉出格外臣雖捐糜頂踵未足仰答

殊恩四月初四日又蒙

聖訓諄至使臣跪聽之下茅塞頓開愈切感激惟有凜  
遵

天語竭盡駘騁鼓勵弁兵寧靜地方以期仰報

高厚於萬一耳臣謹恭疏奏

謝伏乞

皇上睿鑒施行為此具本謹具

奏

聞

西安右翼漢軍副都統世襲拖沙喇哈番加一

級臣劉官統謹

奏為恭謝

天恩事欽惟我

欽定四庫全書

萬壽盛典初集  
卷五十二

三十三

皇上堯年益懋舜日彌昌恭逢

萬壽六旬微臣得覲

天顏隨內廷諸臣拜舞叨蒙

恩賜臣冒瀆陳情為母懇請

御書蒙

賜北堂眉壽匾額准臣省母

錫類深仁榮增奕世臣敬謹賫捧於四月十七日抵

里恭設香案臣母率闔門男女望

闕叩謝外隨敬懸中堂用昭

天貺臣母囑臣謂

聖恩深重捐糜難報汝當竭蹶勉力不必以母老為念

顧臣驚劣庸材承茲

異數惟有鞠躬盡瘁圖報

天恩於無盡耳臣省親限滿於五月初九日自河南起

程二十四日至西安署所理合報明恭謝

天恩謹具

欽定四庫全書

萬壽盛典初集  
卷五十二

三十三

奏

聞

萬壽盛典初集卷五十二